





名家詞鈔

長樂鄒  
振鐸西  
諸君書

闕里孔傳鐸牖氏輯



姓氏

楊春星

耐岩河南商丘人

楚江詞

孫繼登

汲山

菊醉詞

梁允植

治涓直隸真定人

柳村詞

錢芳標

寶汾江南華亭人

瑤華詞

唐肇

馭九江南泰州人

奎峰詞

羅篔簹

志行江南池州人

魯門詞



孔傳商 雪村山東曲阜人

藕絲詞

楚江詞

睢陽 楊春星 耐岩

南浦 雪中次虎渡

荆南鎖鑰鬱蒼々形勝控滇雲幾載巖疆割據戰壘  
看猶存兩岍綠楊何處是一灣芳草付青燐嘆年來  
惟有迅濤東去流不盡楚江春 况值寒空霏瑞碎  
紛々瑤屑瀟荒村指點斜陽渡口往事總成塵獨羨  
漢朝良太守德驅猛獸至今聞願後賢好把清風惠  
政績前人



賀新郎

楚闌十五夜同諸公玩月

最愛今宵月遍天涯清輝同照輪圓無缺有客携尊  
邀月飲原是月宮佳客看濟濟文星羅列忍聽笙歌  
空際起正鈞天樂奏霓裳闋羽袖舞紫雲拍彩毫  
驅電還揮雪記昔年廣寒高宴曾題令節三五盈  
當此夕快觀嫦娥素靨况郁蟾蜍香徹萬里虹橋  
蚤駕也引仙郎齊上黃金闕砍桂斧為今設

沁園春

黃鶴樓讌集

太史星占嘉賓雲聚此會如何想梁園授簡風流堪

續旗亭命酒雅調競和鶴去莫還樓空猶昔詞客千  
年名不磨筵開處喜曲翻白紵杯進青螺興酣起  
舞婆娑况極目江山興倍多將東瞻赤壁西連鄂渚  
北臨峴首南指湘娥暫釋簿書漫尋觴詠勞吏豈嗟  
歲月泥分襟後知重逢甚日痛飲狂歌

滿江紅

于素公參軍招飲洪山偕和盧二孝廉

奔走塵埃論知己天涯雜遇况隔着迢江漢故園  
客聚良友似君真可托定交在我原非易問宗風此  
日屬何人中原士行磊砢和嶠豎文矯盧隣著



羨于門高峻芳傳奕世俗吏孰如師席好簿書那討  
叅軍趣且擎杯爛醉紫霞巔忘歸去

玉蝴蝶

鄂州咏蘭

客裏歲華易度况兼陰雨暗送韶光誰遣曉仙慰我  
岑寂情腸愛新妝曾無蝶擾矜素質不惹蜂狂艷非  
常斑斑綺石巧襯苔蒼 徬徨半生勞碌一天旅恨  
對此銷忘巖谷幽姿何年移種到瀟湘潔堪紉貞臣  
作佩英可採王者名香漫匆忙聊携燕尾好伴歸航

雙燕咏燕

烏衣伴侶看年去年來隻隻如織殷勤遠道只把舊  
巢尋覓多少朱樓画室恐王謝門庭非昔聽他軟語  
呢喃應說天涯消息 還念玉人愁寂恁入戶徘徊  
恰曾相識輕翻翠羽早是梨花雨濕又任垂楊風急  
渾難勝春醒無力幾番掠水啣泥誰解芳心的

風流子

再登黃鶴樓有懷同遊諸子

仙樓闌楚天塵途吏更躡紫霞巔看半枕黑甜羽衣  
還卧一聲長笛鶴舞猶蹁縱眸處晴川雨乍歇鄂渚  
尚縈煙柳菡芳洲花明錦岬燕啣春色人倚雕闌



曾記會群賢歌筵畔愛煞白雪鬢髮無那風生薄醉  
揮灑毫端想旗亭事往伊人宛在奈遙、隔綠山青  
山暢好滿樓麗景復誰同歡

雨淋鈴

旅舍苦雨

楚江春色最撩人是養花時節天工不惜膏沐東風  
送雨廉纖無歇恁把韶華浪擲惆悵如何說聽點、  
滴碎琅玕還聲、潛響簷鐵 枝頭紅盡成愁結况  
那堪憔悴征塵客幾回驚覺鄉夢對旅館燈光明滅  
痛飲澆愁奈愁多爭似雨霖、便此際萬種情懷又

有誰知得

漢宮春

昆明女子

嬌小承恩羨繁華彷彿結綺臨春誰知歌吹未歇輦  
鼓驚聞蛾眉嫩質住金屋那慣風塵驀地把新妝換  
却怯羞扶上征輪 懊恨紅顏薄命想珠宮何似野  
店茅邨怎禁霜沾翠袖泥濺戎裙昭陽夢斷琵琶上  
點、啼痕貯不列南來歸鴈吟成兀自銷魂

念奴嬌

舟過赤壁次坡公韻

片帆飛渡幾年來閱盡湖山景物西距洞庭三百里



奇險天開赤壁鏖戰磯頭奈風臺畔奔浪捲秋雪  
舣舟憑弔此中誰號人傑 為羨年少周郎指揮如意  
妙筭爭先發談笑功成千載後只有阿瞞灰滅極目  
江流追尋往事莫問蕭蕭髮鬢翁何在與君同醉明  
月

洞庭春色

舟望岳陽樓因憶范文正公記槩括其辭為之

滕子政成岳樓重建范公記之觀洞庭氣象萬千遷  
客騷人來此覽物情殊霏々連兩山形黯聽虎嘯陰  
風徠亂啼登斯樓也滿目蕭然感極而悲 春和景

物閒適對岸芷汀蘭逞麗姿有漁歌互答籠舟皆忘  
心曠神怡不以己憂不因人喜廊廟江湖任息機伊  
人在嘆先憂後樂舍此誰歸

摸魚兒

桃花源記

羨武陵溪山佳麗漁人家在溪渚綠溪不計行多里  
忽入桃林深際心竊異見洞口有光髣髴繞通履行  
行開霽有黃髮垂髻紛々種植驚訊從來處 便邀  
客設酒殺鷄作食自云避秦來此漢皇魏晉范無紀  
今世復知何世行且去還說道此中莫向外人語歸



舟記取尋欲往從之杳然流水迷却問津路

金縷曲

用王氏事酬息隱次見贈原韻

鳳閣紹芳軌羨千秋名傳武庫霜青電紫琪樹瑶林  
相映立輝耀烏衣舊里畫道是東臯夫子捫蝨而談  
當世務信家珍國寶由來美推獨步人誰比 三槐  
手植應方始且安貧河汾講學無心驂駟玉塵風流  
揮洒甚彩筆如椽蔚起任嘯詠輞川勝趾豈但蔡邕  
驚倒履嘆丰姿濯々依江沚塵俗外煙霞裏

喜遷鶯

呈陳省齋夫子

太丘華族羨鄂渚芳徽於今堪緒花滿秦關香含漢  
殿是處名傳青馥曾植曲江桃李蔚々門墻森矗還  
私幸記鱣堂雪際環塔澗濁 凝矚當日裏賦別燕  
臺符綰黃山麓驛路紅塵春風絳帳彷彿猶聞絲竹  
喜見五羊成化逸莫三台預卜頻翹首看天街日麗  
沙堤新築

滿庭芳

贈伍相菴先生

意氣干霄采情照雪儵然天際真人青箱門第詞賦  
擅清新况是庭環綠桂正葱蒨琪樹凝芬還栽就茶



名家詩錄  
徑爽譜逸趣傲風塵 起羣應笑我三年俗吏半世  
勞辛羨林泉高寄雅興推君回首凌煙舊業渾看作  
過眼浮雲漫贏得金章紫綬都付與兒孫

望海潮

驅鱷魚文

天子命官為民遠害屏除異物蟲蛇蠢爾鱷魚雜居  
茲土悍然抗吏雄誇據食恣無涯縱刺史驚弱受命  
王家鱷魚有知靜聽吾約莫謹謹 南臨大海非遐  
其相將醜類往伴鯨蝦三日不移五日七日足終恃  
倚爪牙天法豈容差便選材徵技毒矢交加盡殺無

遺鱷魚到此免傷嗟

歸去好 感懷

浮生碌々嘆道路風波閱來難足楚水楚山遊倦矣  
往事摠歸蕉鹿但有暇且揮單父琴還興狂欲碎燕  
臺筑又安能與世共紛々競翻覆 記三徑曾栽菊  
看九畹蘭正馥將寄傲如陶放歌似屈念自負昂藏  
七尺身何偃僕整折猶繩束故人來携手入高陽醅  
新熟

月上海棠

賀陳世元花燭



鄂城二月韶光麗喜仙郎預試登科第一派笙歌映  
璀璨兩行寶炬屏開處爭看芙蓉並蒂 季方才子  
文名著坦東床快作風流婿千里驛驛早成就百年  
伉儷朱繩繫還卜其祥世

連理一枝花

予與齊東柳年兄同官荆郡兩年未獲一晤辛酉秋共事關中相見

歡甚聞阮陵細姬夏口戲有此贈

楚國春光好花縣花開早仙令風流繞樹穠李俄賦  
桃夭訝十二峰頭簇擁下雲鬟飄緲 學得新妝妙  
還把眉兒掃笑問張郎當年螺黛而今誰巧正好溫

存準備着有人斷惱

鵲踏花翻

鼠賦

竊飲河邊藏奸社裏鼠之伎倆本如此爾乃食角穿  
墉白日縱橫歷來罪狀真難數點魂已作釜中魚狂  
且猶謂負嵎虎 嗟鼠漫說似牙相倚罷人皮骨能  
存幾那堪什伯為群狡謀恣睢吞噬無時已爰書既  
定復何辭鼠乎勸爾當知止

風入松

自壽

明年恰是知非年寡過遜前賢細思四十九年內幾



番閱人世滄田博得柴桑種秫何須勾漏尋仙  
中  
秋後度桂香天冷署啓華筵年來奔走風塵路那曾  
見為政心閒彈指韶光過也栽花喜遍黃山

前調

酬縉紳

荒城製錦漫三年猶幸魯多賢官評賴有周行示忍  
辜負清白心田愧向良辰載酒俄傳闈苑來仙  
驚  
人麗句擅江天簪佩絢賓筵簿書久潤澹臺跡喜今  
日晉接安閒桂觴重開北海蒲輪早駕東山

前調

酬諸生

公門桃李憶當年敢曰大夫賢穆如風見都人致尚  
無忽書史良田勞吏猥分講席羽成好羨登仙  
鯤  
溟萬里奮長天桂殿待開筵中郎文藻今猶在柳湖  
畔遺韻高閒但祈名儒接踵漫誇介福如山

前調

酬里民

扶筇思見太平年咨爾老農賢豐登人物家、樂莫  
忘却孝友耕田還語父兄子弟賦完便是蓬仙  
何  
勞把盞頌青天童叟集歌筵軍興幾載催呼急誰消  
受雞犬閒、清醕盡成膏血獻圖繪就喬山



Blank manuscript page with vertical lines.





菊醉詞

孫繼登 汲山

朝中措 和菴園用劉隨州起句

菊花能醉去官人此日是閒身  
夙世應知詞客尊前肯負花神  
魯公事業坡仙文采先後嶙峋  
十畝惟供麴蘖五湖長憶鱸膾

醉桃源

菊花能醉去官人浮家苕霅濱  
吳山越水不嫌貧烟霞結北鄰  
藉草色坐芳茵清風吹白蘋  
橙黃橘綠



洞庭春道遙烏角巾

畫堂春

菊花能醉去官人  
青山招我為賓棋  
枰袖手任翻新  
閒看紛紛  
三徑聊成小築  
九秋多遇佳辰  
數竿倚竹  
綠波紋笈  
寫羊欣

訴衷情

菊花能醉去官人  
蠟屐適歸雲  
詩瓢茗椀常在  
放眼此乾坤  
細雨縱野  
花芬掩柴門  
黃鷄紫鱸  
白蕖青菘  
消受芳尊

太常引

菊花能醉去官人  
初月掛斜曛  
桂魄碾高  
曼看樹杪參差未分  
風流太守而今  
俎豆滴翠  
擁朱輪  
逸老有遺民  
同結伴  
烟波釣津

月中行

菊花能醉去官人  
吾自率吾真  
清溪濯足  
教遊鱗  
往事付垂綸  
宦情喜似  
人情冷  
看不盡  
紅樹蒼筠  
頽然獨酌  
詠黃昏  
誰與細論文

少年遊



菊花能醉去官人  
花柳倍相親  
寄意萱枝多情桃葉  
檢取石榴裙  
清宵怕聽蛩聲碎  
月上海棠魂紫珮  
隨風驚音吐  
嘯天半落氤氳

醉紅粧

菊花能醉去官人  
喜佳兒又抱孫  
閑情未許白鷗噴  
風雅事盡輸君  
長空數點鴈斜勻  
凝眸望碧天痕  
卜築行吟隨處穩  
溪外路錦沙村



柳村詞

真定 梁允植 冶酒

喜遷鶯

秋日題家宗伯叔父新齋敬依原韻

中原戰歇正文教  
春雍遐荒風徹  
秋署抽簪清溪垂  
釣槓悟身名為客  
詩續陶公蓮譜  
夢返莊生蝴蝶漫  
矯首笑紛々車馬  
蘆溝殘月情切  
歸休處  
鏡罷菱歌  
又是雙星箭  
載酒青山泛舟  
赤壁不遜古來  
豪傑初築蕉林  
花塢屋角翠屏  
遙列且袖手看  
烟雲聚散  
乾坤完缺



雨中花 七夕雨逢初度

雨滴窻蕉鳴碎玉雲黯淡青藤翠竹想此夕雙星橋  
飛鳥鵲淚灑銀河曲 誰掃人天愁萬斛空寂莫踈  
紅殘綠嘆鳩性無能針樓虛負何日遷函谷

南鄉子 秋日柳村閒意

茅徑事西疇小浦深慚謝眺洲車馬忽經垂釣處悠  
悠一片蓮香起白鷗 肯日笑言猶野集能驕萬戶  
侯楊柳陰森風自動颺 遺老秋林不盡愁

前調

伏枕督田疇漫學漁徑製九洲雨過小山苔蘚濕悠  
悠坐眺清波浴野鷗 搦管興偏稠臨水閒封即墨  
侯玉露書殘蕉葉捲颺 長嘯風前不解愁

前調

食力服先疇敢望門前自起洲菰米雲沉秋露冷悠  
悠半畝方塘老鷺鷗 蓬葦雀羅稠沁水高歌傲素  
侯風木漂搖遺澤在颺 荒沼殘廬滿目愁

點絳脣 贈妓

容綻芙蓉眼波清澈水壺水石榴裙底裊 香塵起



玉案歌傳鶯轉幽篁裏誰知己畫欄斜倚搔首空  
彈指

花心動

上谷元夕依家宗伯叔父韻

雞水冰消看春城闐々鼓歌爭咽鐵鎖初開銀箭停  
催逆旅正當佳節千門火樹香車簇趨雜還散來風  
揭最奇是六花的燦燭光搖雪 來曲憑誰訴說嘆  
十載浮蹤少年銷歇故里縈懷骨月他鄉聚首爐烟  
同蕪芳在偏負刀環約空閨裏慵拈針鐵兩心寄朦  
朧一輪殘月

帝臺春

春懷依家宗伯叔父韻

紅蠟炙鵲爐中烟凝碧簷凍纒消孤館猶寒良宵談  
劇盡道家園春漸好空悵望恒陽山色最闌情鴈唳  
三更偏聞羈客 思今昔梭幾擲看畧尺時難覓對  
舊日東風年華非昨誰耐鬢絲頻織屈指梨花白欲  
綻驚心柳線青堪滴寂莫過元宵飄零愁寒食

玉燭新

賀楊東子孝廉納姬

清秋新雨足看疊砌疎欄小紅深綠篆煙細々輕風  
裊故繞良宵花燭郵亭月下倍皎潔佳人如玉金鳳



顛鈿影參差，嫣然內家妝束。奩臺半倚圖書，更帳  
隱芙蓉。画屏香馥，含嬌悄、屬念此會邂逅。姻緣由夙  
眉兒不願倩郎掃。春生金屋，明兩素百歲，衾裯麒麟  
早育。

貂裘換酒

題韓醉白小像

磊落藏奇骨，色態科頭寄傲。風流豪俠，覽罷圖書  
思往事，暫把牙籤打疊。故倚從襟披靴，迭報道壚頭  
新酒熟。任雙娥、彘鼎相調，燮啣杯、醉風月。座邊  
紫氣飛長，缺步家聲，八代文章兩朝事業。多少徑倫

還抱膝，豈戀閨幃。心熱虛點染，莊生蝴蝶，只為怕看  
醒裏醉。向花叢樽底，尋高潔，白太傅陶靖節。

憶秦娥

秋夜獨坐和徐菊庄韻

蛩吟切，依花吧露啼涼月。啼涼月，玉繩纔滿，銀蟾何  
缺。驚濤宦海無時歇。離思歸夢鄉音絕。鄉音絕，那  
堪沉病，暗消良節。

點絳脣

雨窓不寐

雨打窗梧聲，滴向愁思透。夢途風溜，一霎驚還驟。  
輾轉中宵，心事渾非舊。可知否，暗消重九，籬畔黃



花瘦

醉花陰

燈下菊影和菊在韻

裊、輕姿銷白晝薄暮香含獸紅燭下簾鉤一簇秋  
容疊向羅幃透 最奇繁影後移後采、堆衣袖弱  
態倚雲屏嬌暈凝香莫摘霜華瘦

行香子

聞鴈憶家

野澗霜青月落河明正東方三五疎星塞鴻驚喚蕉  
鹿初醒似衡陽書琵琶曲上林聲 故鄉秋老錦綉  
西屏羈浮名未有歸程迢、北鴈字點天青羨過恒

山度溱水傍神京

前調

憶青藤古塢

雨洗丹楓霜染秋容卧蒼苔啼偏寒蛩老藤經歲百  
折游龍想倚疎梅傍修竹附喬松 閒庭誰主鎮日  
雲封冷牙籤筆陣詩筒花枝欲嫁一付西風任拂垂  
楊開籬菊放芙蓉

前調

憶柳村

背倚平岡面覆垂楊野人家環遶池塘魚隨小艇鷗  
立徒杠有幾灣荷幾畝稻幾株桑 塵封草徑雲鎖



茅堂動歸思雨霽斜陽樹頭蟬噪籬畔花香看農人  
收漁人捕醉人狂

長相思

西湖秋景

楓葉紅柿葉紅誰染丹青峭壁中霜寒五兩風白  
雲封碧雲封雲鎖南屏第幾重長廊薄暮鐘

前調

鷲嶺長松嶺長錦樹深納夕陽蒼苔玉露涼穿  
山房轉山房處池頭穫稻梁農人戴月忙

前調

芰葉殘荇葉殘兩鳧雛浴急湍風翻翠翼寒  
層巒望層巒盡芙蓉落巨瀾湖山圖畫看

前調

梧葉飄柳葉飄葉枝映碧濤鴉啼霜氣驕西  
冷橋錦帶橋夾岸漁人泛小舸飛甍隨地拋

前調

覆薜蘿轉荔蘿竹戶誰家子夜歌殘陽瑪瑙坡消  
烟波漲烟波八月湖平漾敗荷鷗飛新雨過

前調



遠岬斜近岬斜岬柳隨風動曉霞懸崖放菊花  
問桑麻課桑麻曲曲清溪抱酒家橋頭翠竹遮

前調

湖水清湖水平激灑三潭映月明中央宛在亭  
山青眺山青面秋光列画屏登臨萬古情

前調

霜氣侵露氣侵涓滴無聲透竹陰湖頭別院深  
擣雙砧落雙砧一片秋光徧武林歸思萬里心

滿江紅拜鄂王墓故和原韻

電掣金戈中原恨熒熒肯敢憶往哲睢陽胥浦未堪  
擬烈陵隧幾沉京洛草偏安忍見吳山月痛報雜國  
步是何時憂思切青衣酒陰山雪陸海沸東京滅  
憤補天無石皇圖竟缺壁壘朱仙悲鶴唳風波杆控  
帝鷲血嘆當時矯詔有浮雲迷丹闕

前調

拜于忠肅公墓用岳鄂王韻

赫奕鍾陵逾三世聲靈稍歇嘆國事內庭多難獨標  
偉烈御幄豈忘關塞草神州更念燕臺月權身名君  
國有低昂躊躇切完大義追吞雪矜復辟旋淪滅



想九泉會筴綱維無缺建策誰為宗社計奪門慘澹  
孤忠血論公勳一代薄雲霄存庭闕

前調

弔林和靖先生墓和龔芝麓宗伯韻

面、湖波烟光裏峯巒一曲翠影滴枕流環石幾椽  
茅屋蝕壁苔痕滋洞壑沿堤梅盡飛香玉羨徜徉寄  
傲老山家芳林綠 開三徑看霜菊携二仲聽風竹  
任浮雲聚散何閑榮辱掃徑移花清課早種瓜澆酒  
生涯足更凌晨縱鶴破空冥飛來熟

望海潮

過錢武肅王祠和芝麓先生韻

孤虛藏甲風雲揮劍軍容步伐身先電掣三吳霜馳  
百越妖氛蕩盡烽烟霸業幾徑傳看流風逸事亂世  
稱賢鼉鼓銀濤萬人齊弩發潮前 當時競逞歌筵  
嘆塵飛草掩君獨先鞭跨海雄圖澄湖思滙至今廟  
屋巍然歷久祀無遷迨青衣出汴翠輦歸燕江上圖  
存空聞竽筑弔當年

驀山溪

登吳山弔伍子胥和芝麓先生韻

西風晚照百感登臨意一曲苧蘿春墮姑蘇千秋絕  
技蛾眉甲冑笈戰百花溪麋鹿走水犀匕劍血孤臣



淚 霸吳覆楚百折千將器勲業逼雲霄輕生死有  
如遊戲吹簫倚市玩世等飛塵崇廟食捲江濤宵小  
空讒忌

少年遊

家元雲麓同弟芷公遊飛來峯予以簿  
書未與張然有作

翠螺薄靄映窗紗湖岸柳風斜想像層巒白雲紅樹  
鐘磬曉山家 怪石孤危人氣肅鷲影落曇花慚負  
奇峯有懷空谷咫尺隔天涯

美少年

秋夜用家司農叔父棠村詞韻

酒殘燭影歎巧倩歌金縷小立背花陰低弄翻箏譜

雨

佯醉拂楸枰勝負更新數何處亂棋聲窓外芭蕉

滿庭芳

送家弟芷公歸廣陵

楓落吳山蛩吟客舍中宵月滿匡床奇才落拓五嶽  
擁書囊有待春風上苑閒笑傲問弩錢塘西窓話聯  
床挑燭永夜澹猗香 思歸遊欲倦江梅度鴈雀舫  
迎霜嘆浮雲蒼狗世味先嘗轉盼金臺肯貴控白馬  
紫色遊韉堪遙憶邗溝衰草帆影亂斜陽

望海潮

聞家司農叔父奉使粵東用芝麓先生韻



溫傳天語威行邊徼星馳節鉞連宵四牡嘶風隻旌  
戴月依々袖拂垂條攬轡過山腰喜嶺梅送煖翡翠  
啼嬌瘴癘晴開小春花發太平橋孤懷莫悵無聊  
看雁浮暮靄南海新潮陸賈城顏尉佗墓冷千秋幾  
度昏朝俯仰意偏迢更霜飛甲帳萬里雲遙計日燕  
山鄉心清夢一林蕉

訴衷情

送黃美之粵東

晚楓江路聽鷓啼桂棹雨絲々列日春光纔綻五嶺  
放梅時衝瘴早望雲低念依々羊城月上銅柱風

閒潮湧霞飛

春風齊着力

至日用家司農叔父棠村詞韻

轂轉鴻鈞陽回鴈浦時若人康律吹葭管一線報池  
塘朔氣梅芳忽透簾櫳外為動笙簧喜新令朱樓獻  
頌牙板霓裳世事苦風霜邯鄲道堪憐傀儡登場  
巧妝墮馬良夕對銀缸消受溫柔繡閣且舒嘯大塊  
文章將謝了玄霜絳雪受命東皇

鎖窓寒

冬景用周美成寒食韻

屋角同雲檐前積雪梅風吹戶窓筠淅瀝一陣滿相



涼雨霽簾櫳寶鏡裊烟迴廊倘竝閨人語嬾画眉兒  
翠離思無限天涯羈旅時暮閑情處是溥上魚雙  
城南尺五潭園夕照堪憶漁樵儕侶嘆幾年搖落風  
塵朱顏綠鬢晉在否喜籬頭弄色山茶小閣開樽俎  
樹杪新霞繞駐檻外芳梅欲吐護花小犬吠簾櫳乍  
起推窻顧寶鴨睡穠香蟋蟀啼清露惱人鴈影罷  
登樓怯展輕塵步

東風第一枝

冬至後二日齋頭山茶早放用史邦卿韻

黍谷旋陽冰壺催蠟芳梅迴朔迎腰開軒幾嬾霜枝  
倩問殘冬深淺珊瑚掛幔喜新霽日暄風軟看疎籬  
冉冉紅英恍對趙家飛燕如五月榴花照眼似露  
井桃花靚面依稀綽約雲屏曲出芙蓉小苑一枝凝  
露襲袖帶香生如線謝東皇雪底氤氳早遣春光相  
見

臨江仙

湖上曉行用歐陽永叔韻

薄霧冥濛殘月斂城頭一片鴉聲寒拖烟縷水波明  
纔開海曙幾朵紫霞生柳岸輕塵衰草路霜蹄小



隊行旌青螺髻外白雲平凋荷飄漾款乃一舟橫

前調 舟雨用芝麓宗伯韵

驪唱津亭霜葉落橋頭柳色斜陽小舟忽怪暗篷窗

涼颼透袂水市凍雲黃 箫鼓中流排画楫淋漓鼓

柁紅妝明珠萬斛瀉寒塘閒愁別思透莫入烟光

一落索 冬景用周美成韵

黛蹙小蠻環秀一湖烟皺孤山亭子暗氤氳雪氣斂

梅芬瘦 目饒去鴻凝久浮雲何有北風吹盡利名

心堪把訴惟堤柳

蝶戀花 嘲菊在遲至用芝麓宗伯韵

窓鎖寒雲殘雪了寄使梅花幾問霜枝曉喜画翠娥

雙黛小曲欄人共閒愁杳 莫向簾櫳驚睡鳥回憶

芳時辜負春多少生怕蘭舟離思悄柳絲牽惹鴛衾

惱

菊在戲答

閒画眉峯青未了懊恨班鳩啼斷紅窓曉鏡向粧臺

追兩小別離依舊東風杳 怕說西冷隻睡鳥一葉

蘭舟載得愁多少東翠添香幽夢悄從今打疊重煩



惱

掃花遊

初雪用周美成韵

凍雲發岫看丹壑蒼厓遙山環楚穰烟縷、有玉龍  
百萬凌空戰舞一片冰壺眉霧瓊梅間雨花飛去偏  
向画樓珠箔深處 堪異曾許幾忽太白搖光漁樵  
詢路小齋具俎喜天涯故友啣杯傾素却憶郵亭征  
袂涼颺報苦閒凝佇又誰家送來箫鼓

菩薩蠻

冬日過笑隱菴

蓮花照水螺峯悄禪心印月琉璃小鐘韻雜啼鳥寒

烟半有無 不脫風塵意慙問金經字再拜辭香前  
往因圓未圓

風流子

喜菊在至自吳門

小梅纔款傍芸窗綻枝鵲噪斜陽憶香閣雨痕幾回  
凝駐吳江雪落萬疊蒼茫助離緒風傳子夜曲山襲  
壽陽粧携有異書香生囊橐坐挑銀燭共照肝腸  
寄詢吳門卒袁安和阮藉醉卧橫塘多少漁樵經濟  
授簡偕行問闔閭墓草猶存虎迹真娘壠陌曾否遺  
香更話巴山舊夜睡鴨侵涼



踏莎行

冬晚用劉伯溫韻

淡霧薰晴疎風乍雨片雲只傍吳山住西陵萬戶上  
炊烟飛鴉啼破冥濛去  
細草呈芭早梅吐絮東君

慣識藏春處溶溶鏡雪照漁簑小舟斜泊橋邊樹

醉蓬萊

吳山登西爽閣贈善長道士用葉少蘊韻

喜穠陰初霽曉日朦朧碧霞來去殘臘蒸春促鴈鴻  
賓旅白鷺迴汀朱魚吹浪納聖湖風雨五夜還丹驅  
移星斗每聞天語  
龍火全降鵲橋潛渡蒼狗白衣  
關同薄絮路轉黃梁問利名何處多少賢豪銷沉風

月騰雲飛南浦笑問方平幾徑勾漏問裁新句

醜奴兒令

弔蘇小用芝麓宗伯韻

谿烟漠漠遊絲裊芳草含情好鳥呼名家住湖山水  
拍城小梅吐蕊開生面柳帶身輕蘭佩香生月下  
池頭擬對鄉

滿庭芳

遊嚴灘亭中丞臯園用周美成懷錢塘韻

門遶溪流堂開城闕幽人獨擁朝昏筠籬菱港寂  
擬江村百尺樓堆萬卷淋漓染白練書裙風簾約深  
林鳥語檻外一聲聞  
迴廊通竇處晚岩怪石曲徑



無塵更桃花春水潛渡衡門喜見虛亭窈窕烟波瀉  
銀浦天孫輕風拂小梅瘦影漏洩艷陽春

臨江仙 壽菊庄即和原韻

嶽降初逢梅欲綻送來孔釋身兼徐陵風度重江南  
濡毫飛玉屑超草待冰銜 負笈湖山供組織小齋  
篆鼻風簾芝衡佩帶挹湘潭喜同傾白墮莫漫悵青  
衫

風中柳 湖上早行用孫夫人閨情韻

何事谿烟故惹黛頻花惱綴長堤茸、細草東風將

至倩垂楊先告怪問山光也應知道 西子臨妝佇  
見湖波含笑憶白蘇千秋興杳山家人靜聽飛鴉啼  
早蒼茫見鶴亭梅老

大酺 觀學使者校射用芝麓宗伯韻

喜雪初晴風催臘臺殿雲霞開處錦韉寶馬隊看操  
弧拈矢五陵爭妬赤土流星烏號挽月競矚垂楊穿  
否六郡良家子嘆請纓學劍少年非誤羨猿控僕姑  
紫驕掣電花驄追絮 他年麾一旅紀旂帛當學浮  
罌渡茲問取干將幾淬脫穎何如倩朱衣也權相顧



自事金戈去先羈迹芹宮聊住還須識燕然路輕肥  
桓糾鱗集褚英非故佇看長揚獻賦

臨江仙 舟晚用雪堂司馬韻

睡去寒雲風獵獵曉看夜雨何曾朝嗽升處碧霞凝  
遠天開海曙聊遣客懷惺暗透烟波鐘韻逸脫塵  
堪妬禪僧林巒鳥語喚人登晨炊迷水市小艇罷漁  
燈

念奴嬌

得家書來自江右用芝麓宗伯韻

凍雲催臘冱深林幾縷暹天寒色客路汀莎愁擬望

鄉夢經年離別豈劍宵騰嶠陽晚渡風雨濤聲咽書  
來驛使霜枝瘦影新折乍喜黃耳青鸞萬金一紙  
把對歸思熟遙憶家園雲樹杳攪亂九迴腸結室內  
椒花街頭社鼓又是年時節天涯樽酒孤懷堪挹涼  
月

玉女搖仙珮

雨中登吳山重陽卷用柳耆卿韻

紺宮碧落琪樹蓮峯粧點珠纓旒綴下界蒼茫諸天  
飄縹占盡武林佳麗好倩蒼州比看天然結構人工  
非易供覽矚錢王巨浪西子平波感慨誰已追維隔



名家詩金  
烽烟幾世依、山光獻媚、行處雲生帶珮香襲莓  
苔肯把岩阿違棄絳雪點梅紫霞流檻西極瑤池輸  
美獨向層臺倚今古多少賢豪才藝銷蝕了樽前問  
月樓頭吹笛登臨高意烟霏細花枝且看東風被

小重山

西湖晚眺

錦帶橋頭叫杜鵑雪初晴正是落霞天紅塵慚負碧  
山緣偷閒處湖水散鳴絃春色在籬邊小堤梅欲  
吐又殘年何時返棹米家船看鴈影箇箇入函燕

眼兒媚

閒意

怕點霜華鬢報秋春色又添愁誰家小婦風傳青玉  
雲過紅樓少年多負花時約老大自會羞歌殘酒  
後喜逢燈下妬殺枝頭







瑤華詞

雲間

錢芳標

寶汾

南鄉子

窄徑潛行蓼花開處  
淥波明浣女素妝  
低映水斜陽  
裏抱却纖腰羞不起

前調

月暗風闌晚涼浴罷  
挽雲鬟悄向曲廊  
閒倚遍圖  
郎見舉袂荷花搖小扇

前調



生怕猜嫌遲回不肯揭珠簾密約連宵俱怯到因年  
少星眼欲擡還忍笑

前調

夜靜房櫳小銀燈映紙牕紅牕內美人初欲睡酥胸  
膩寶袜乍開香細

前調

相見匆匆日斜深巷画樓東瘦類侷人嬌不語心相  
許印得脂痕紅一縷

夢江南

池上石雨後穀紋平曾共那人臨水戲重来唯聽一  
蟬鳴想像不勝情

前調

追往事寒色放船時佯語怕風垂画幔強教會酒當  
瓊危密意没人知

甘州子

画堂西畔軟香裊清晝倦小橫陳紗厨輕揭暫相親  
檀注濕朱唇驚睡覺無語半迴身

荷葉杯



憶昔峭寒庭院初見珠箔燭花紅謝娘多病晚妝慵  
笑語暫相同 城上烏啼天曙歸去記取若相尋小  
橋斜徑綠槐陰門掩夕陽深

浣溪紗

蓮葉蒲梢雨過香彩鴛飛去小池塘惱人時節近端  
陽 記得去年樓上飲綠陰雙笑聽清商醉容香汗  
費思量

前調

野寺榆陰乍熟天曲廊行處見嬋娟蕙蘭情性破瓜

年無力踏春依小婢有心回首托花鈿  
端人偏覺動人憐

前調

斜日闌門小巷紆醉拖鞭袖訪仙居玉人何處滯香  
車 已是孤舟增悵望更堪寒雨助蕭疎此時情緒  
欲何如

虞美人

香燧小印鴛鴦字那得蓬萊使曾遊池館碧苔深惆  
悵舊時蹤迹杳難尋 画屏曲檻頻相見密意傍人



羨幾番携手悔蹉跎此別過銀漢待如何

前調

壚邊贈美春缸綠板按淫魂曲微酣相送赤欄橋不  
道風流雲散有今朝 偃王廟口千山疊君去帝係  
切舊歡如夢小樓空縱有酒香花影與誰同

前調

碧桃花下鞦韆影人瘦春衣冷雕欄十二護瑤階記  
得去年曾此待郎來 巫山隔新朝雲夢淚漬鮫綃  
重東隣女伴不知愁約我明朝同泛木蘭舟

前調

流鶯不住樓頭轉睡醒弓腰軟侍兒含笑指紗牕報  
道西來馬上似檀郎 拋針幾度凝眸覩又過紅橋  
去黃衫白面阿誰家何事惹人愁思滿天涯

重疊金

沉金扇画乘鶯女當筵一曲春鶯語別我去楓橋此  
時魂暗消 臨歧持素手君去相思否才道解相思  
香頰玉筋垂

前調



韶州紅袴裁方錦流蘇影底珊瑚枕沈水散濃烟那  
堪人獨眠 夜闌頻見夢笑語分明共夢裏最關心  
覺來無處尋

前調

嬌鶯只合花間住如何一霎拋人去惜別酒頻持画  
船催上時 驛橋疎雨歇函恨山重疊他日更逢君  
腰支瘦幾分

前調

蘭堂紅燭聞歌夜眉峯翠拂橫波瀉緩步登香裾顛

風花不如 酒闌偎倚語密約心相許願作一身棲  
那堪今別離

更漏子

歌舞殘風露曉深悔別時州、湘竹簟越羅帷悶來  
唯睡宜 虛館暮夢君處覺後聞愁無數新月色舊  
花陰誰能知我心

前調

画屏斜妝閣掩年緒倦拋金剪人不語燕交飛博山  
香篆微 從別後漸消瘦揉損象紗衫袖紅雨亂綠



陰多眼看春又過

江城子

謝家池閣隱垂楊水風涼藕花香象梳櫂髻初卸晚  
來妝正是画簾明月照羅帳底影雙々

柳枝

紅杏花梢逗晚晴嚙雛鶯手搯珠箔出中庭步盈々  
獨倚画欄無一語空延佇閑思往事悔多情誤今

生

思越人

雨翻荷風颭竹夜深騷屑雜聽遠夢乍回筠簟冷背  
牕猶炷殘燈無端舊約關心亂賺人書信愁看屈  
指過期秋又半爭教人不腸斷

臨江仙

春暖蘭皋鷓鴣閑青城斜輝烟鬟六銖衣薄步姍々  
波明苔碧日暮弄珠還交甫自憐仙分少此生無  
計相攀遠峯如画浸潺湲音塵寥絕從此隔人間

前調

水廟陰霏菴綠蕙楚山隔岸差我日斜髣髴倚湘娥



秋風嫋々水落洞庭波  
惆悵翠華遊不返  
愁心蹙損  
雙蛾至今斑竹淚痕多  
黃陵月冷空自鼓雲和

前調

湘浦新涼午睡醒  
水荇開遍秋汀  
楚天臺殿  
散銀屏  
高唐雨散十二晚峯青  
暗想瑤姬曾薦寢  
飈車一去  
難停  
鴨頭澄碧漲浮萍  
可憐魂夢多半為娉婷

前調

暮色停車眺雒川  
穀紋風動淪連  
宓妃拾翠  
出芝田  
難逢易別腸  
新水雲邊  
何處凌波羅襪去  
獨留新

月嬋娟  
歸來想像不成眠  
鏤金香枕曾壓綠鬟偏

山漸青

月腫朧霧濛濛  
路轉秋千畫閣東  
映牕殘燭紅  
立  
外々恨重々  
想得香閨春睡濃  
錦衾無計同

前調

燕飛々柳依々  
寒食江南紅雨霏  
剝香猶撲衣  
夢  
全違信  
全稀  
看盡平蕪  
趁夕暉  
繡鞍歸不歸

天仙子

開罷荼蘼春寂寞  
後園初拆秋千索  
不知何事轉嬌



慵鉤繡幕倚香閣風起楊花無數落

前調

烏臼啼殘鴛被冷隔牕澹月涵花影此時堪恨去鴛  
鴛驚睡醒立俄頃金縷半拖鬟不整

謁金門

花滿院花底月華如練瞥地画廊深處見羞郎還障  
面山掩画屏六扇膩枕暗遺金鈿喘息細和蘭麝  
散四肢嬌欲顫

前調

蟲語切露濕桂叢香烈八尺龍鬚涼透月照人雙臂  
雪無奈玉郎遠別夢醒尚聞嗚咽偏是獨眠惆悵  
節夜長燈又滅

蘇幕遮

没人時支頤處嬌眼惜騰心向誰邊去悄對鏡函慵  
不語睡鼻烟濃銷盡沈香炷 繡牕函妝臺曙強弄  
搔頭閑則相思句已覺離愁紛似絮那更黄昏淅  
芭蕉雨

清平樂



井梧飄葉又是新秋節憶與箇人和淚別羅袖膩香  
雅歇 尺素傳自橫塘分明小字斜行閑處幾回偷  
看惹僕無限思量

女冠子

暮燈晨磬銷却此生薄命碧桃開仙洞雲常鎖劉郎  
未許來 燕欵寒玉碾寫袖縷金裁一自清齋後總  
塵埃

前調

藕絲霧縠別是道家妝束珮珊珊眉澹羞勻翠唇輕

懶注檀

鶴歸秋醮散蛩語夜香殘賸有深閨月照

松壇

前調

薔薇開謝時節送春迎夏玉纖輕閑展膠東紙鈎簾  
寫道徑 無端傷往事有約待來生願學鴛鴦伴嫁  
多情

前調

玉笙吹徹人坐瑤臺秋月碧天空悵望銀河影沈吟  
桂樹叢 襪纖應怯露衫薄不禁風咫尺蓬山路信



雜通

河滿子

撩亂飛花無主，萋迷芳艸。難窮轉眼春光，留不住。況兼雨、風、暗，數芳菲。佳節香閨一半愁中。

前調

水簟乍收，微雨晶簾初捲。斜陽纖薄，象紗籠皓腕。粉沾珠汗生光，却羨多情。紙扇一雙，偏画鴛鴦。

前調

巢燕欲辭青瑣者，蓮旋褪紅衣。光景暗催期，又過可

堪獨宿空幃，怕上沈香小閣。照人三五清輝。

前調

翠被曉寒初透，小牕殘雪猶明。睡醒枕痕紅印，頰含顰。懶熨銀箏看畫玉，爐香篆誰憐。暗地辜情。

南歌子

欲住還飄，雨將殘未滅。燈酒醒恨難勝。曉看山枕上淚痕凝。

前調

添麝更衣後，挑朱對鏡時。故、弄妝遲日高。牽女伴



折花枝

前調

候館將離艸津亭垂柳條含態復含嬌如何攀折處  
最魂消

前調

綈較絲為憶雕鞍玉作鞭相見大隄邊溺青人盡散  
獨留連

小重山

紅板橋西亞字墻玉驄嘶過處已斜陽小樓簾捲倚

濃妝羅袖薄纖手弄垂楊一餉立徬徨明知番不  
得意難忘画欄咫尺是仙鄉垂鞭去人遠落花狂

山花子

酒力闌珊墜髻偏靜垂珠箔卸頭眠枕畔桂香樓外  
鴈已涼天夜檻玉蟾光漸吐簟紋鋪水帳籠烟影  
浸一枝紅菡萏似嬋娟

前調

洞戶春寒懶揭簾黃昏香燼雨窸窣因檢舊書偷拭  
淚背妝奩花謝倍憐人寂、情多偏得病厭、閑



名家詩金  
擲緯床金鳳綫沒心拈

昭君怨

畫日倚樓凝眇何處暮天新鴈書到亦愁余况無書  
暗想函期密意不信拋人容易縱使負儂心意君  
深

前調

無教王孫芳艸綠滿長亭古道黯澹暝烟和似愁多  
時節江南寒食人倚小樓吹笛曲罷惜歸逢雨絲

絲

踏莎行

悵髻按雲愁蛾斂翠曉屏微雨香奩穗衰枕片墮  
銀塘伴人鏡裏胭脂淚非坐非眠半醒半睡春來  
底事情如醉侍兒聰慧慣猜疑也應未解深閨意

少年游

秋風秋雨閒愁閒悶羅幌夢回遲着背寒輕透簾香  
細初試袂衣時玉人一去無消息虛館碧苔滋枕  
畔韶容夜闌私語纖悉費尋思

點絳脣



絡繹聲中赤欄盡日凝顰坐秋棠幾朵細雨墻陰驛  
望斷黃昏玉筋羅衣墮朱門鎖小屏燈火只照淒  
涼我

前調

蓼岸烟疎鷺絲獨立秋潭碧画船吹笛曾載神仙客  
落日重過往事成蕭瑟時光擲思量無益畢竟誰  
忘得

巫山一段雲

髮鬢雙彎鬢輕盈一搦腰魚鱗小浪綠楊橋斜倚待

蘭橈 佯弄金跳脫重簪玉步搖無端紅袖隔花招  
狂客倍魂消

前調

碧玉將笄日玉昌未冠年閑園人靜曲廊邊相見各  
嫣然 柳幕深雜覓苔茵嫩可憐蓋香蜂語艷陽天  
爭忍不畱連

前調

小鴈侵眉細嬌鶯學語新杏紅衫薄稱腰身閑立落  
花晨 愁帶如凝恨寡簾故泥人問伊何事不宜春



無語但微顰

轉應曲

楊柳楊柳影蘸灞橋別酒平明小雨霏微那更離亭  
絮飛飛絮飛絮人與春光俱去

前調

秋水秋水棹入芰荷叢裏杏衫珠彈香鞦堤畔誰家  
少年年少年少却願画船微笑

鵲踏枝

露濕芙蓉風稍緊珍簟涼生光景重陽近冷落楸枰

閒玉軫遠屏山色橫金粉 獨倚江樓私自付錦字  
傳來舊約難憑準葉葉輕帆過欲盡寒烟幾點殘鴉  
隱

前調

梧桐小院深秋雨無夜無明滴到何時住料得天涯  
期信誤夢迷烟草江南路 最是離人腸斷處帳冷  
香焦背壁孤蛩訴強把芳樽消薄暮醒來依舊愁無  
數

玉樓春



花稍月午金鋪閉此夕劉郎仙洞睡蘭膏照處粉尤  
明綉袜着未腰更細 夢回珊枕鬢鬟翠百舌催人  
嬌語碎忍寒携手送郎歸惆悵檀痕猶印臂

前調

鬢蟬初斂休蘭沐帽染石榴香霧簇鴟絃欲撥故送  
巡嬌倚晚屏山幾曲 微酣膩臉偎紅玉笑眼悞迴  
心暗屬背燈低語問卿、飲散月斜何處宿

鷓鴣天

螺黛微施檀注輕柳慵花因為多情亦知蠶苦絲難

新無奈蜂偷窺已成 書款曲字分明異香封裏淚  
痕凝自從青瑣窺郎日便擬相隨過一生

阮郎歸

後堂絲雨釀春寒金沉簾頗閒霏微香雪撲朱闌梨  
花開又殘 慵傳粉嬾勻檀兩蛾行坐攢不知瘦損  
玉琅玕但嫌衣帶寬

前調

秋烟漠、日淒、蘋花香滿谿薄寒殘醉野橋西籠  
鞭信馬蹄 光景在舊歡非斷腸江樹微無端絡繹



畫情啼轉令愁思迷

前調

蔚藍天淨吐銀蟾  
遲回出綉簾  
茵羅微裊玉纖纖  
博山檀暗添  
扉上鎖漏移籤  
露華庭樹露殷勤  
小語立重檐  
還防侍女嫌

朝中措

酒闌棋罷月痕黃  
移燭轉迴廊  
忽憶箇人履齒  
夜深曾待檀郎  
當年此地抱時腰  
瘦語處脂香  
多少出歡密約  
那知今夕淒涼

應天長

山窗斗帳垂銀蒜  
蘭燄滅來宵未半  
貼蓮腮紫雪腕  
猩血蜀羅沾薄汗  
月輪斜花影亂  
拂面綠鬟香散  
倦枕夢迷休喚儘  
教狂眼看

眼兒媚

江上烟寒蓼花紅  
暝色語征鴻  
画桡纔繫  
雕鞍又別聚散匆匆  
柔腸此際應千折  
握手蹙眉峯  
欲留無計欲拋爭  
忍欲去難從



Blank columns for text in a traditional Chinese book layout.





奎峰詞

吳陵 唐 肇 馭九

江南好

魯城秋松柏映宮樓  
圖畫儼然鋪李頎碑銘集處列  
韓歐披覽勾忘憂

前調

魯城秋山色四圍收  
勝煞瀟湘因水濶自然恭岱象  
雲投青秀貼天函

前調



魯城秋出郭野光幽陵樹黃葉將佈錦泗河水白可  
乘舟鶴鹿喚叨

前調

魯城秋禾黍隴間稠  
呶軋轆澆菜甲  
丹黃筐篚貯  
糖毬牙棗熟枝頭

前調

魯城秋雉堞俯沂流  
舞雩臺邊青菊茂  
浮香亭下錦  
鴛鴦垂柳覆沙洲

偷聲木蘭花

酒闌歌罷當年事  
細雨瀟瀟燈下寺  
忽憶前期跋履  
披衣往就之  
紅樓一樣珠簾隔  
第五窻中燈未熄  
此恨綿綿直到而今  
信杳然

滿庭芳

路出仙源身依聖域  
載欣瞻仰投名升堂  
登座榮勝  
受弓旌得見  
翩翩佳致  
文能賦武善談  
兵昌明世  
雄才喜起  
揮霍雷電驚  
更虛懷好客  
寄情風雅不夸  
簪纓人咸尊  
北海共羨連城  
但恨塵鞅  
難却輕別去  
眼向誰青  
從此江東魯國  
千里望雲平



賀新涼

謁闕里即事

愧髻斑生雪漸消磨干雲志氣晶之心血訪舊驅車  
到鄒魯藉解中藏淒切林臯時景正清絕沂水西流  
縈帶薄望龜蒙葱翠遙相疊憶往事辛年月 一生  
愛好難拋別偏無端不斷塵鞅網罟鏡缺舞雩臺邊  
閒看取恍對前人修潔北海先生情意熟勝下榻南  
州高雅殷勤考訂是名山業排旅悶示瓊笈



魯門詞

秋浦 羅筵豫 志行

疎簾淡月 沁荷

玉池微燬覺暑氣漸消新涼列目試看田々捧出裙  
紅衫綠飄來細々虛堂靜透衣襟清芬堪掬心情自  
遠蕭疎嫵媚任其翻覆 遙想當年周茂叔念君子  
高風于今誰續潦倒天涯贏得百杯醅酥胸頭磊磊  
頻澆洗盡換作一腔芬馥暮雲凌亂月華如洗更成  
清淑



南歌子 小春

渺、寒雲散漸、凍水流融和旭日正當頭此地小  
春天氣似南州 天竺垂紅豆寒梅小蠟燭後凋松  
柏葉偏稠把酒醉添餘暖勝輕裘

探春

芳信茫茫、凭欄眇、黃鳥簷邊嬌語頻問東君如何  
發付九十春光羈旅沽酒前村去纔漏洩柳梢金縷  
雖然春在天涯消得短歌長句 俯仰人間今古傍  
野店斜橋杖頭幾許秀麥纖、輕雲幕、早入青溪

深處朱戶綠垣遠彷彿見鞦韆嬌女悞到蓬山劉郎  
迷了歸路

菩薩蠻 沁心亭

晴波十頃明如練迴欄曲檻凌波見疑是海中樓誰  
添海屋籌 鷗閑魚自躍不減濠梁樂為送酒如泉  
呼童盪画船

水調歌頭 採蓮

翩反綠荷葉瑩淨白蓮花依稀若耶深處越女鬪吳  
娃採得聯房並蒂滿載蘭舟歸去水國度年華清激



似明鏡掩映碧天霞  
凌波濕紅裙靚錦帆斜  
離披  
凌亂半依蘋蓼半蒹葭  
送盡明眸頰  
爭看六郎風  
度紙扇未曾透  
陌上有年少日暮不歸家

洞仙歌 美人燒香

晚粧卸了喚了鬟  
低問沉水爐烟可曾燼  
自度誠結  
願夜々焚香端不為墻角人兒勾引  
悄移階下步  
禮拜深々那管鞋幫露苔印  
柳拂篆烟殘長嘆聲中  
羅袖冷金波微暈甚有得星々  
許多愁向孤寡嫦娥  
訴來雜盡

南鄉子 老竹

依舊碧琅玕不似當初帶粉鮮  
試問主人我  
向此何  
年歷盡冰霜幾歲寒  
清韻美  
儵然多少遊人姓字  
鵲得共松梅偕白首  
前緣只為亭々晚節堅

虞美人 綠珠

古今半為紅顏死  
歌舞徒然爾  
當年若不墜朱樓  
十  
斛明珠買汝竟何求  
美人交斬華筵下  
少有全生  
者轉頭金谷已無存  
故國離々秋草泣芳魂

減字木蘭花 長生果



穠桃艷李畢竟先花然後子何物長生不見花開碩  
果成 勞人草草那得容顏常不老試問彭錢服食  
曾經啗幾千

魚遊春水

春水曾泮久碧沼渟泓清半畝魚真樂也自在洋  
忘餌筍不知腹內饑還飽何事腮邊吞浪漱傍藻尋  
儔穿萍覓友 掉尾動鱗何驟小影旋花波若皴但  
知戰、爭前誰甘落後不觀水底綃繆意那識人間  
琴瑟偶我亦忘機非惟莊叟

河滿子

長夏江村事、幽

長夏江村最好清泉茅屋偏幽穉子山妻娛永日釣  
鉤棋局消愁杜老當年清况我儂此日相伴 粗糲  
盤飧自足黃農風味無求逐利驅名都放下心同物  
外虛舟一曲滄洲高唱不知身是萍鷗

華胥引

秋日

蔚藍天外大火西流塵襟新爽一夜金風梧桐墮葉  
流清響別有綠樹鳴蟬咽聲、枝上此際紅蓮並頭  
如話惆悵 秋景雜辜趁黃昏月明盪槳傾耳紅蓼



江村菱歌齊唱滿目烟波誰與乘槎長往羸得闌干  
拍遍起尋鱸想

送入我門來

辯醉

西閣纔醒東園又醉、醒都是風流向麴垂涎爭肯  
暫離甌生前有酒須當飲歎世外浮名未可求不  
是知音不解千古劉伶阮籍是我良儔嘲笑由人自  
號醉鄉侯看他獨醒終何益却似爾沉酣倒也休

百字令

驅巫

儺雜古禮勢村沙不似當年面目若使鄉儺皆用此

何必當階朝服登屋招魂沿門逐鬼流蕩成風俗廢  
醫不召翻令生死權屬 伐鼓持劍登壇代神傳語  
別樣巧粧束白嫗黃童前致敬斗酒疑有勤祝文獻  
名邦絃歌勝地此輩應驅逐妖氛蕩盡席幾還我淳  
樸

單調望江南

江南好四月正清和一陣打牕梅子雨幾聲無字揀  
秧歌布穀喚前坡

撼亭秋

楓葉



天高風急秋老看亂紅如掃高低花楮絕勝三春花  
容嬌好 故國離別遊鄉羈旅白頭偏早想人生遷  
變類如斯葉對之長嘯

八聲甘州 冬宵

看匆匆短景逝流年驀然動悲歌奈一身將老短衣  
敝缺蕭索閑河因甚蠅頭蝸角拋却舊烟蘿總有洗  
愁酒難洗沉疴 秉燭夜遊芳筵歎古人寄慨會少  
離多聽譙更隱隱 又是一宵過問文園近來消渴比  
梅花肥瘦竟如何分付與疎香穢榦一例消磨

曲玉管 夏日

晝永庭闌窈明几淨爐烟細細 供清賞試看人生歲  
月靜裏何長興悠揚冰簟涼生湘簾塵遠微風戛竹  
流清響燕于飛鎮日細語雕梁韻清商 暗想人  
情大都被名檢利縛爭如無事翛然安眠一枕黃梁  
傲羲皇待天邊月上滌盞閒邀知己池塘深處鼓吹  
貧家一曲滄浪

錦堂春 首立美人

不是冰姿貯月錯疑玉貌羞花轉腰似怯東風入小



立背窻紗 莫問秋波臨水且看雲鬢堆鴉輕盈一  
樹靈和柳無奈晚風斜

木蘭花慢 硯池水

苦寒吟思動向窻下試端溪詎凍合紫潭光搖銀海  
冰錮澄沈睥睨墨花不動看筆尖乾澁似辛夷縱使  
右軍書聖難教換得鴉歸 蚺蜥無意釣方池椎擊  
也空旋訝似玉堅剛如晶明瑩未肯流澌情知窻梅  
弄影又何因描寫歲寒枝憑仗文心起舞化為六出  
飛

夏初臨 送春

淨盡桃溪蕭疎李迳郵亭柳帶偏長春爾安歸天涯  
去路迷茫閑情脉脉堪傷憶前朝紫陌塵香踏青人  
開携壺挈榼並轡尋芳 恍然在目不堪回首相思  
芳樹別恨斜陽年華老矣尊前禁得思量春縱歸來  
怕明年斑鬢添霜且相忘欣然迎夏滌盃更觴

離亭燕 咏茶

酒是天生美祿茶亦人間清福試問風塵行役子一  
盞何來芬馥止渴望梅林徒把清津漱足 蟹眼松



花浪蹙雀舌磁盃浮綠吸罷胸襟生爽氣底用中山  
醅醪桑苧是吾師好把茶經細讀

謁金門 冬日

寒林靜渺、栖鴉不定滿布彤雲風力勁履冰如踏  
鏡擁褐爐寒灰冷筆凍撒鹽雜咏獨倚小樓時向  
暝有誰憐瘦影

西江月 同人過訪大柳村

雨後群鳥歸樹春深數蝶尋花暮雲一半短牆透牆  
外柳枝低亞儘有無邊隙地不曾都種桑麻有人

未問野人家家在夕陽之下

惜分飛 漁燈

遠浦迷離三四點出沒蘆汀蓼岸不是隨船轉幾回  
錯認流螢焰雨後乍微還自顯驚起濯鱗如練蓬  
底妻兒倦纔收補網針和線

滿路花

梨涓白玉兔柳散黃金縷誰教花滿地宵來雨東君  
心忍不作芳菲主疊、無重教履屐輪蹂直教深入  
黃土還餘一半搖漾空中舞寺闌羞落向無人處



飄茵墮席要得人憐  
取勸花休自苦  
粉褪香消有誰  
着意憐汝

西樓夢

雪

滕六滕六慣會敲  
窓竹青山老  
盡捲簾看一時  
都快人如玉



藕絲詞

闕里 孔傳商 雪村

十六字令

欄幾曲斜安  
繡閣邊人愁悶  
曾倚到更殘

搗練子

蟲隱砌雁排空  
砧杵聲聞小  
院中儘着薄羅衫  
子冷宵來偏又送西風

憶王孫

無端春色鎖閒庭  
柳困花慵薄霧輕  
傍着闌干悄地



行月三更隔院誰家笑語聲

謝秋娘

相逢好最惱是臨行明月已催簾外影橫波猶送眼中情無語尚丁寧

如夢令

笑入檀郎卧内輕揭鴛鴦雙被若箇伴春眠感感清  
清獨自憔悴憔悴枕上細尋珠淚

調笑令

墻外墻外灼灼天桃猶在怎禁一夜東風簸簸盈階

落紅紅落紅落春事從今擔閣

長相思

鄉也癡儂也癡因甚填成懊惱詞孤葉獨坐時花  
影移月影移總在東籬又轉西相思咫尺又迷

相見歡

深處花掩重門漸黃昏聽得雙環輕扣已消魂  
倩不出伊心曲故生嗔愁到碧紗窗下費溫存

薄命女

臨曉鏡裏雙蛾憐瘦影便是愁人證春晝常愁



夢短秋夜還愁漏永愁盡今生須索性莫把分毫剩  
昭君怨

人向瑤臺方散藕向玉盤初折縱有一絲連繫誰邊  
月入紅窗窺枕風過綈帷催寢風月也能賒列光  
家

生查子

花當含笑時顏色嬌如滴勾引看花人頻向風前立  
花當零落時香也無消息一味惹人愁蜂蝶輕拋

擲

憶秦娥

闌干外穠桃艷李花堪愛花堪愛摘來小朵背人偷  
戴嬌憨一種晉眉在見人佯整雙鴛帶雙鴛帶暗  
中勾入相思邊界

眼兒媚

梅花人面隔西東何物似情濃零愁碎怨無人傳去  
只倩東風 昨宵聞說鄉、至懊惱未相逢碧紗窗  
下梅花帳底嗅徧芳踪

浣溪沙



小立燈前斂笑眸不分明事說還羞心情道破強搖  
頭翠袖捧觴傾竹葉金爐撥火覆香篝睡鄉何處  
不溫柔

點絳脣

燕剪鶯梭楚花拂柳來閒院細喃輕囀道是春將半  
羽翮初齊知未交飛慣池塘畔雨霏雲斂兩翼東  
風軟

菩薩蠻

邀來女伴湖山下評他艷紫嬌紅價各自有低昂爭

持不肯降 女娃無定識共向東風質情重是東風  
逢花也意濃

採桑子

問伊何事相憐惜朝也能來暮也能來並坐紅窗日  
幾回 問伊何事相拋棄鶯也難猜燕也難猜輕把  
花前盟誓乖

減字木蘭花

生成笑靨兩道春山灣似月啞謎輕歎笑打鸚哥自  
解嘲 眉稍眼底情字疑團何處擬說到風流窻下



偷聽暗自羞

誤佳期

鋪閣重門深閉細嚼閒中滋味宵來何事惱心懷只  
恁添憔悴撥香恨香消煙冷寒生袂侍兒枉自報  
三更辜負雙鴛被

卜算子

燈向枕邊明月向床前照緯戶前宵手自開驀地生  
歡笑鸚鵡對紅窗又報檀郎到緯戶今宵不肯開  
驀地生煩惱

畫堂春

一枝梅影碧窻橫寒宵月浸中庭畫廊悄若有人行  
軟語輕聲魚信傳來未准鴻音寄去難憑風流浦  
債幾時清拚到來生

謁金門

人不見隔在桃花溪畔一夜落紅飛滿院爭把東風  
怨細向遊蜂尋遍暗裏韶光誰換綠柳陰中聞巧  
轉多是鶯和燕

錦堂春



燕向梁間潘語鶯穿柳外流聲倚欄觸起傷心句愁  
字悞今生借看樓頭月色探知花底風情向人嗔  
笑仍依舊佯作不分明

青衫濕

花陰曲徑莓苔滑盡日有誰尋闌房坐卧量紅較綠  
獨自沉吟蜂鳴几案蠅彈窓紙攪亂人心盈珠  
淚對人難落忍到更深

海棠春

鶯聲燕影誰曾見笑九十春光已半綠意共紅情入

夜偷相換背人潛到湖山畔照曲徑星光隱現躡  
足更藏踪尋看檀郎喚

南鄉子

草、罷晨粧何事能消春晝長行列梅花深樹裏携  
將半院穠香入洞房頻倚曲欄旁人懶無心上綉  
床忽見鴛鴦眠細草端詳又坐紅窗繡一隻

山花子

萱菟初開折一枝膽瓶斜插對多時不放香風簾幕  
外怕蜂知花向窻前輕墜落人於歡後易分離我



笑函花、笑我兩情癡

桃源憶故人

小桃一簇臨溪上，花落水翻紅浪。曾記那人偎傍，做出嬌憨樣。而今洞口花仍放，蝶翅蜂鬚無恙。還是這般情況，看甚增惆悵。

浪淘沙

花困柳纏眠，春意闌珊。雛娃未解受人憐，貪看簷邊雙燕舞，不近郎前。真箇是無緣惱，被情牽。柳絲花朵，一年、但使春光能買得，誰惜金錢。

七娘子

畫廊無個人踪，到月明常向花間照。底事思量不將人告，隻願輕解生微笑。新來別院開池沼，昔年芳徑埋幽草。憶處適多見，時適少。朱顏恐逐春風老。

踏莎行

柳陌風寒，花溪水暖。鶯聲歇處驚春晚。問愁寸、積柔腸，那能量出情長短。唇喜暗深，眉嫌黛淺。羅裳宮樣新裁剪。玉人何事愛濃粧，要郎細看簾前眼。

琴調相思引



名家詩金  
禁住心情放教閒柔腸應是没人牽綠窻深處觸起  
又無端積得連宵函怨事擬將一一訴卿前為何  
花下相見却無言

詞林典故  
卷之四



